



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Spiridion Ep. 12. Decembris.

urn:nbn:de:hbz:466:1-42032

naci dixit. Ingenuere ad impium facinus parentes pii, & pœnitiebat hostem Deo & cruci genuisse, nec jam heredem volebant, qui ex aſſe optimam partem avitam pietatem nolle. Quod tamen unū poterant, precibus pro perituro apud Deum agebant, ſcelusque non ſuum ſuis lacrimis plectebant. Et profectò plus lacrimis parentum filius, quām lacti olim debebat. Inſtillarunt enim hæ denuò bonam mentem. Rediit prodigus, & pulchrum parentum confilium ſecutus, ſigna, quæ turpiter abjecerat, crucem inquam, manu venerabundā ſuſtulit, & intrepidus palam iterum ad Amiranum tulit, lacrimis interim & gemiſib⁹ perorantibus, quos ſepiùs intercalaris illa Eccleſiæ vox *Kyrie eleſon* interpellabat. Illum ergo cū neque fames aut verbera, neque carcer aut vincula avellere à cruce poſſent, naviculæ Amiranus imposuit capite minuendum. Ergo animus cæli, caput abſcifsum urbis portum petiit, redemptumque à Christianis centum aureis, & argento inclusum diu oleum ſudare viſum eſt, ut vel ex hoc Christi Athletam agnosceres. *Ex Menais.*

*Crucem domini ſemper in mente, in ore, ut ſigno
renete, Crux Domini armatura veſtra contra ſara-
nam, galea cuſtodiens caput, lorica protegens pectus,
clijpeus tela maligni repellens, gladius iniqutitatē ſibi
propinquare non ſinens. Martial. epift. ad Burdeg.*

S. SPIRIDION EP. 12. Decembriſ.

SPIRIDION ex opilione Cypri Episcopus, non ſvitæ conditionem ſed gregem mutavit, omnes pascere ſolitus, pauperes præfertim. Itaque ſerpentem mutasse in aurum fertur, quō egenti eſſet, unde frumentū coēmeret. Alio item tempore cū

C e 5

avai

avarí animum nullis precib⁹ expugnare civis
indigens posset; SPIRIDION huic disertis verbis
in crastinum annonam spopondit. Neque aliter
factum quād dictum. Aquarium alluvio avectum
ex Euclionis granario frumentum ad ipsas inopis
ædes detulit, nullo nec rei nec vecturæ pretio. In
fures etiam non minūs benefic⁹ quād comis
fuit. Nempe cūm gregem hi direpturi adveni-
sent, arcana Numinis vis ligatos omnes SPI-
RIDIONI tradidisset, exsolvit hic officiosus, & viæ
comitem abeuntibus ultrò ambulare arietē jussit.
Porro filiam, quam, dum olim in matrimonio
ageret, sustulit, ut defuncta depositum aurum in-
dicaret, tantisper è tumulo evocavit. Sed & alium
morte sublatum vitæ & matri reddidit, mox ma-
trem filio eriam, cūm hæc gaudio emortua esset.
Ultimūm cūm in messe occupatum æstus gravior
affligeret, ros cælo illapsus recreavit, simul alii
capilli albescere, nigrescere alii, alii denique ca-
nescere visi sunt. Hos ille ut mortis prodromos
acepit, post quam illum laudibus omnis ætatis
homines mactaturi essent. Tu etiam disce hīc
non senes modò, sed & juvenes, quin vix natos
capillos emori. Ex Surio.

Totum quod es, illi debes, & quo totum habes; illi
principiè Domino, qui & te fecit, & benefic⁹
tibi. Huic totis medullis, totis viribus serviendum:
ne fortè indignationis oculo tē respiciat & despi-
ciat, & conicerat in aeternum. S. Bern. de Qua-
drupl. debito.

S. LVCIA V. & M. 13. Decembri.

Si virgo è cælo sidus lucet, LVCIAM esse credi-
dero virginitatis laude præ aliis illustrem.
Hæc dum cum matre ægrâ ad tumbam D. Agathæ
preca-